

**Sullissivimmuut imminut ingerlattumut Greenland Visitor Centerimut (GVC) malittarisassat**

Paasisassarsiorfinnik ingerlatsinissamut nunatsiinni sullissiviup pilersinnissaa pillugu Namminersorlutik Oqartussat nalunaarutaat nr. 6, 5. november 2018-imeersumi § 26, aamma siulersuisuugallartussatut atuuffik pillugu nalunaarummi §§ 11 aamma 12-imi aalajangersakkat malillugit malittarisassat siulersuisunit suliarineqarput.

**§ 1. Aqqa angerlarsimaffialu**

Sullissiviup imminut ingerlattup taaguutaa tassaavoq Sullissivik imminut ingerlattoq Greenland Visitor Center (GVC).

Paasisassarsiorfinnik takornariartitsivinnillu pilersitsisarneq ingerlatsinerlu pillugit Inatsisartut inatsisaat nr. 25, 28. november 2016-imeersup nassatarisaanik pilersinneqartutut Paasisassarsiorfinnik ingerlatsinissamut nunatsinni sullissiviup pilersinnissaa pillugu Namminersorlutik Oqartussat nalunaarutaat nr. 6, 5. november 2018-imeersukkut sullissivik imminut ingerlattoq pilersinneqarpoq.

Sullissiviup angerlarsimaffia tassaavoq Kommuneqarfik Sermersuumi Nuuk.

**§2. Inatsisitigut inissisimaneq**

Pisortat ingerlatsinerisa iluani sullissivik tassaavoq kiffaangissuseqartutut sullissivik imminut ingerlattoq. Pisortat ingerlatsinerannut atuuttutut inatsisinit tunngaviusunillu sullissivik malitassaqarpoq.

Suleriaasaasunik pitsaalluinnartunik nunatsinni tutsuiginartutut paasisitsiniaasartutut saqquminissaq siunertaralugu sullissivik suliaqarnermini akisussaaffeqarneq ammasuunerlu isumagisassavai.

**§ 3. Siunertaq**

Sulliviup imminut ingerlattup siunertaa tassaavoq paasisassarsiorfinnik takornariartitsivinnillu pilersitsisarneq ingerlatsinerlu pillugit Inatsisartut inatsisaat nr. 25, 28. november 2016-imeersoq najoqqutaralugu, aammalu tikeraat ornittagaasa ingerlannissaannut nunami namminerimi sullissisarfiup pilersinnissaa pillugu nalunaarummi inatsisartut inatsisaanni malittarisassiat aalajangiussat nassatarisaanik paasisassarsiorfinnik pilersitsillunilu ingerlatsinissaq.

Kalaallit Nunaanni pinngortitap kulturillu oqaluttuarisaanera pillugu ilisimasanik siammarteralunilu paarlaateqatigiinnermut sullivik imminut ingerlattoq toqqammaviussaaq. Sullivik imminut ingerlattup siunertami piviusunngortinnissaa sulissutigissavaa tikeraat ornittagaat najugaqarfigisami takornariartitsinerimi ineriartortitsinermik siuarsarnermillu pilersitsinerisigut, aammalu Kalaallit Nunaanni pinngortitamik kulturimillu oqaluttuarisaaneq pillugu erseqqissumik oqaluttuarisap pilersinneratigut – tikiffissani ataasiakkaani taakkunani paasisitsiniutaasunik, aammalu paasisitsiniaasarfiunermigut, ilisimasanik ilikkagassanillu ingerlatsiviunermigut aamma naapittarfiunermigut.

#### **§ 4. Siulersuisut**

Sullissiviup suliaraqfigisassatut suliassaqarfiani, aningaasaqarnerani, ingerlatsineranilu apeqqutini pingaarutilinni tamani aalajangiisartumit siulersuisunit sullissivik imminut ingerlattoq aqunneqarpoq. Paasisassarsiorfinni pingaarnertut aqutsillunilu ineriartortitsineq siulersuisut isumagaat, aammalu paasisitsiniaanermi saqqummersitanilu suliaraqfigisatut pitsaalluinnartilugit, kiisalu najugarisami toqqammavilerlugit ingerlatsineq akilersinnaasoq siulersuisut qularnaarpaat.

Sullissiviup sularisaasa naammassinissaannik siulersuisut nakkutiginnittuassapput. Taamaaliornermikkut suliassaqarfiup allanngoriartuaarnera siulersuisut ilaatigut sillimaaffiguassavaat, taamaalliluni sullissivik ingerlatsinermi savituussuseqarneq maannakkullu pisunik aammalu siunissami ineriartortitsinermi qularnaarisinnaassammatt. Qaqugukkulluunniit atuuttut aningaasaliinermi toqqammavigisat taakku iluini pingaarnersiunissamik siulersuisut akisussaasuupput.

Ilulissani Kangiata Illorsuata atulernissaata tungaanut, aammalu tamatumingna sullissivimmuut piginnittuunissamik tunniussaqaarnissaq pillugu Naalakkersuisut aalajangiussinissaasa tungaannut siulersuisuuffittut atuuffik Inuusutissarsiornermut Naalakkersuisoqarfimmit isumagineqarpoq, takuuk paasisaasarsiorfinnik ingerlatsinissamut nunatsinni sullissiviup pilersinnissaa pillugu Namminersorlutik Oqartussat nalunaarutaanni § 11. Tikeraat ornittagaannik ingerlatsinissamut nunami namminermit sullissiviup pilersinnissaa pillugu Namminersorlutik Oqartussat nalunaarutaanni § 6 malillugu siulersuisut toqqarneqaarnissaasa tungaannut siulersuisuugallartut ingerlaqqissapput.

Siulersuisuugallartut pingasunik ilaasortaqaqput, taakkunani Inuusutissarsiornermut Naalakkersuisoqarfiup pisortaa siulittaasutut inissimassalluni, ilasortaasut sinneri marluk tassaallutik inuusutissarsiornermut immikkoortoqaqarfiup pisortaa aammalu naalakkersuisoqarfiup inatsilerinermit siunersortaana. Kangiata Illorsuata sanaartorneranut atatillugu sullissiviup soqutigisai siulersuisuugallartut isumagissavaat, aammalu paasisassarsiorfinnik sanaartorerit pillugit aningaasaateqarfinnik avataaniillu aningaasanik tapersersortinik allanik isumaqatigiissutinik atsiugaqaqarnut atatillugit Namminersorlutik Oqartussat suliassaat isumagissavaat, kiisalu paasisassarsiorfinnut avataanit ilassutitut aningaasaliissutissanik pissarsiniartassapput.

Sullissiviup missingersuusiaasa sularialugillu akuerineqaarnissaat siulersuisuugallartut isumagissavaat, aamma sullissiviup aqutsisoqarfiata ilusilersorlugulu aaqquissuussarinissaanut tunngasunik aalajangiussisaaq, kiisalu sullissiviup imminut ingerlatittup ingerlannissaata piareersarneranut pisariaqartunik allanik aalajangiussaqaassalluni.

#### **§5. Siulersuisut suleriaasissaat**

Malittarisassiani aalajangiussatut pissutsit saniatigut siulersuisut nammineq suleriaasissani aalajangissavaa.

#### **§ 6. Ilisimatuussutsikkut siunnersuisoqatigiit**

Siulersuisut siunnersornissaannut ilisimatuussutsikkut siunnersuisoqatigiit pilersinneqassapput, taakkulu ilisimatusarfinit makkuningna ilaasortaqaassapput: Pinngortitaleriffik, GEUS, Niels Bohr Instituttet, DMI, National Snow and Ice Data Center aamma Nunatta Katersugaasivia Allagaateqarfialu.

Ilisimatuussutsikkut siunnersuisoqatigiit sullissiviup suliannik malinnaanissamik suliassaqaqput, aammalu tikeraat orniguttarfini saqqummersitat paasisitsiniutitullu suliartortittuarnissaat isumagissavaat.

Paasisitsiniutitut suliassanut saqqummersitassanullu nutaanut siunnersuutinik siulersuisut tungaannut ilisimatuussutsikkut siunnersuisoqatigiit saqqummiussaqaarsinnaapput, aammalu manna tikillugu paasisitsiniutitut suliartortittuarnissaat saqqummersitsinerillu nalilersortassallugit.

Tikeraat ornittagaannik ingerlatsinissamut nunami namminermit sullissisarfiup pilersinnissaa pillugu Namminersorlutik Oqartussat nalunaarutaanni § 6 malillugu atajuartussatut siulersuisut toqqarnerisa kingornatigut ilisimatuussutsikkut siunnersuisoqatigiinnut atugassarisanut sularisassanullu erseqqinnerusumik malittarisassiat malittarisassiami nutaami aalajangersarneqassapput.

## **§ 7. Pisortaq**

Pisortamik/siulersuisussamik tamanut ammasumik inuttassarsiunerup kingornatigut sulianut tunngasutut apeqqutini aamma aningaasaqarnermut aqutsisarnermullu apeqqutini sullissiviup ulluinnarni ingerlannissaanik isumaginnittussamik siulersuisut toqqaassapput.

Pisortaq ulluinnarni ingerlatsinerumt akisussaavoq, ilanngullugit sullissivimmi sulianut tunngasunut, aningaasaqarnermut aqutsinerumtullu tunngatillugit siulersuineq, aammalu sulisunut tunngasutut aqutsinerumt, kiisalu naatsorsuuserinerumt tunngasutut suliassat isumagisarlugit.

Pisortap suliagarneranut malittarisassat siulersuisut aalajangerpaat. Siulersuisut aalajangersimasaattut toqqammavigisat taakku iluini pisortap sulianik isumaginninnera pissaq. Nalinginnarmik aqutsinerumt inatsisitigut malittarisassat tamakku malillugit sullissivimmi sulisunut allanut suliassanik toqqammavissat aalajangiussat malittarisassallu iluini agguaassisinnaavoq.

Siulersuisunit akuerisassanngorlugit ukiumoortumut missingersuusiatq pisortap inassutigissavaa. Siulersuisunit akuerisaasut missingersuutit malittarineqarnissaanut pisortaq akisussaaffeqarpoq, aammalu sullissivimmi suliarisat sinneri siulersuisut aalajangiussinerinut malittarisassianullu, ilanngullugu siulersuisut suleriaasiannut naapertuuttuunissaat isumagissallugit. Taasisinnaatitaanani pisortaq siulersuisut ataatsimiinnerini peqataasarpoq.

Pisortap atorfinitsitaanissaata tungaanut Inuussutissarsiornerumt Naalakkersuisoqarfiup allattoqarfimmi atuuffiit, aammalu siulersuisut siulersuinerumt suliarisaasa iluarsiviginissaannut allatut ikorsiisarnerit isumagisarai.

## **§ 8. Ukiumoortumik ataatsimiinneq**

Ukiut tamaasa ukiumoortumik ataatsimiittoqarnera sioqqullugu siulersuisut immikkut ittumik ataatsimiittarput, tassani sullissiviup ukiumoortumik nalunaarusaanik siulersuisut akuersissuteqartarlutik.

## **§ 9. Nakkutilliineq**

Sullissivik Naalakkersuisut nakkutigisaraat, ilanngullugu pisortaq aqutsiffigisaasa iluini sullissivinnut imminnut ingerlatittunut malittarisassianik atuuttunik sullissiviup aningaasaqarnikkut aqutsinerata tunngaveqarnerata nakkutiginera.

## **§ 10. Aningasatigut ingerlatsineq il.il.**

Sullissiviup ingerlanneranut suliarisaanullu ukiumoortumik tapiissutissat pillugit Namminersorlutik Oqartussat sullissivillu kiffartuussinissamik isumaqatigiisummik atsiugaqarsinnaapput. Suliassat piviusut iluarsiviginissaat pillugit pisortaq oqartussaaffilu ukiuni arlalinni atuuttussanik isumaqatigiisutunik, soorlu ingerlatsinerumt isumaqatigiisutunik, kiffartuussinissamut isumaqatigiisutunik il.il. sullissivik siunertani malillugu atsiugaqarsinnaavoq.

Sullissiviup suliassaanik isumaginninnerumt naleqquttuutillugu isertitanit matussuserneqartumik suliffiup ingerlannissaanut, tapiissutunik aningaasaliiffigineqartutut ilisimatusarnermik suliagarnermik, aammalu suliagarnerumt tapiissutinit aningaasaliiffigineqartunik allanik ingerlatsinnaanermut sullissivik siunertani naapertorlugu aningaasaateqarfinnit, tunissutinit il.il. isertitanik pissarsiaqarsinnaavoq.

## **§ 11. Kukkuersiuneq naatsorluutillu**

Ukiumoortumik naatsorsuutit nunatta karsiata naatsorsuutaanik kukkuersiuisartumit naalagaaffimmit akuerisaasumit kukkuersiuisartumit Inatsisartut toqqagaannit kukkunerisoneqassapput. Suliassaqarfimmi qaqugumulluunniit atuuttutut malittarisassat malillugit pisortani kukkuersiueriaaseq pitsaasoq malillugu sullissiviup ukiumoortumik nalunaarussiaa kukkunerisoneqartassaaq.

Sullissiviup naatsorsuutinit ukiuata assigaa pisortaq naatsorsuiffittut ukiuat. Naatsorsuutinit ukiup naanerani sullissiviup ukiumoortumik nalunaarussiaa suliarineqassaaq, taannalu siulersuisunit aamma pisortamit atsioneqassalluni.

## **§ 12. Isumaqatigiissusiorsinnaatitaaneq**

Sullissivik pillugu atsiuisarnek pisortaq peqatigalugu siulersuisut siulittaasuannit, siulersuisuni ilaasortanit marlunnik peqatigiissunit, imaluunniit siulersuisunit tamarmiusunit tigummineqarpoq.

### §13. Tunniussineq atorunnaarsitsinerlu

Naalakkersuisullu isumaqatigiissutip atsiorneratigut paasisassarsiorfinnik tamakkiisumik imaluunniit ilaannakortumik tunniussineq inatsimmi § 5 najoqqutatalugu pisinnaavoq, takuuk inatsimmi § 8.


Sullissivik imminut ingerlattoq taamaallaat inatsisikkut atorunnaarsinneqarsinnaavoq, takuuk inatsimmi § 9.

Sullissivik sullissivittut imminut ingerlattut atorunnaarsinneqarpat taassuma illuutai, ingerlatsivii, pequtai, aningaasaatai pisussaaffiilu Namminersorlutik Oqartussanit tiguneqassapput.

### §14 Atuutilerfia

Malittarisassaq ulloq 1. juuni 2020-mi atuutilissaaq.

Nuuk, ulloq 19/10-2020



Jens-Frederik Nielsen  
Inuussutissarsiornermut Suliffeqarnermullu Naalakkersuisoq